

四庫全書

史部

欽定四庫全書

班馬異同卷十四

宋 倪思 編

傅靳蒯成列傳第三十八 史記九十八

漢書同樊鄴滕灌傳

陽陵侯傅寬以魏五大夫騎將從為舍人起橫陽從攻
安陽杠里擊趙賁軍於開封及擊楊熊曲遇陽武斬首
十二級賜爵卿從至霸上沛公立為漢王漢王賜寬封

號共德君從入漢中遷為右騎將從定三秦賜食邑雕
陰從擊項籍待懷賜爵通德侯從擊項冠周蘭龍且所
將卒斬騎將一人赦下益食邑屬淮陰擊破齊歷下軍
擊田解屬相國參殘博益食邑因定齊地剖符世世勿
絕封為陽陵侯二千六百戶除前所食為齊右丞相備
齊五歲為齊相國四月擊陳豨屬大尉勃以相國代丞
相噲擊豨一月徙為代相國將屯二歲為代丞相將屯
孝惠五年卒薨謚為曰景侯子須侯精立二十四年卒

子共侯則立十二年卒傳至曾孫子侯偃立二十一年
坐與淮南王謀反誅死國除

信武侯靳歙以中涓從起宛朐攻濟陽破李由軍擊秦
軍亳南開封東北斬騎十千人將一人首五十七級捕
虜七十三人賜爵封號臨平君又戰藍田北斬車司馬
一二入騎長一人首二十八級捕虜五十七人至霸上
沛公立為漢王賜歙爵建武侯遷為騎都尉從定三秦
別西擊章平軍於隴西破之定隴西六縣所將卒斬車

司馬侯各四人騎長十二人從東擊楚至彭城漢軍敗
還保雍丘去擊反者王武等略梁地別將西擊邢說軍
菑南破之身得說都尉二人司馬侯十二人降吏卒四
千六百八十人破楚軍滎陽東三年賜食邑四千二百
戶別之河內擊趙將賁郝軍朝歌破之所將卒得騎將
二人車馬二百五十匹從攻安陽以東至棘蒲下七十
縣別攻破趙軍得其將司馬二人侯四人降吏卒二千
四百人從攻降下邯鄲別下平陽身斬守相所將卒斬

兵守郡守各一人降鄴從攻朝歌邯鄲及又別擊破趙
軍降邯鄲郡六縣還軍敖倉破項籍軍成臯南擊絕楚
餉饒道起滎陽至襄邑破項冠軍魯下略地東至繒鄆
郟下邳南至蘄竹邑擊項悍濟陽下還擊項籍軍陳下
破之別定江陵降江陵柱國大司馬以下八人身得江
陵王生致之雒陽因定南郡從至陳取楚王信剖符世
世勿絕定食四千六百戶號為信武侯以騎都尉從擊
代攻韓信平城下還軍東垣有功遷為車騎將軍并將

梁趙齊燕楚車騎別擊陳豨丞相敞破之因降曲逆從
擊黥布有功益封定食邑五千三百戶凡斬首九十級
虜百三十四人別破軍十四降城五十九定郡國各
一縣二十三得王柱國各一人二千石以下至五百石
三十九人高后五年歛卒薨謚為曰肅侯子亭嗣代侯
二十一年坐事國人過律有罪孝文後三年奪侯國除
蒯成侯周緤者沛人也姓周氏常為高祖參乘以舍人
從高祖起沛至霸上西入蜀漢還定三秦常為參乘賜

食邑池陽從東擊項羽滎陽絕甬道從出度平陰遇淮
陰侯韓信軍兵襄國軍戰有乍利乍不利終無亡離上
心上以縹為信武侯食邑三千三百戶高祖十二年以
縹為蒯成侯除前所食邑上欲自擊陳稀蒯成侯縹泣
曰始秦攻破天下未嘗曾自行今上常自行是為無亡
人可使者乎上以為愛我賜入殿門不趨殺人不死十
二年更封縹為蒯成侯至孝文五年縹以壽終薨謚為
曰貞侯子昌嗣代侯有罪國除至孝景帝中二年復封

繆子應為鄆侯薨謚曰康侯子仲居嗣代侯至元鼎三年居坐為太常有罪國除

太史公曰陽陵侯傳寬信武侯靳歙皆高爵從高祖起山東攻項籍誅殺名將破軍降城以十數未嘗困辱此亦天授也蒯成侯周繆操心堅正身不見疑上欲有所之未嘗不垂涕此有傷心者然可謂篤厚君子矣

漢書贊在

灌嬰傳後

班馬異同卷十四

欽定四庫全書

班馬異同卷十五

宋 倪思 編

劉敬叔孫通列傳第三十九 史記九十九

漢書同酈生諸傳

漢書四十三

劉婁敬者齊人也漢五年戊隴西過洛維陽高帝在焉
婁敬脫輓輅衣其羊裘見齊人虞將軍曰臣願見上言
便宜事虞將軍欲與之鮮衣婁敬曰臣衣帛衣帛見衣

褐衣褐見終不敢易衣於是虞將軍入言上上召入見
賜食已而問婁敬婁敬說曰陛下都洛維陽豈欲與周
室比隆哉上曰然婁敬曰陛下取天下與周室異周之
先自后稷堯封之邵積德累善十有餘世公劉避桀
居豳大王以狄伐故去豳杖馬箠去居岐國人爭隨歸
之及文王為西伯斷虞芮之訟始受命呂望伯夷自海
濱來歸之武王伐紂不期而會孟津之上八百諸侯皆
曰紂可伐矣遂滅殷成王即位周公之屬傅相焉乃營

成周都雒邑以此為此天下之中也諸侯四方納貢
職道里均鈞矣有德則易以王無德則易以亡凡居此
者欲令周務以德致人不欲依阻險令後世驕奢以虐
民也及周之盛時天下和洽四夷鄉風慕義懷德附離
而並事天子不屯一卒不戰一士八夷大國之民莫不
賓服效其貢職及周之衰也分而為兩二天下莫朝周
周不能制也非其德薄也而形勢弱也今陛下起豐擊
沛收卒三千人以之徑往而卷蜀漢定三秦與項羽籍

戰滎陽爭成臯之口大戰七十小戰四十使天下之民
肝腦塗地父子暴骨骸中野不可勝數哭泣之聲未不
絕傷痍夷者未起而欲比隆於成康之時臣竊以為不
侔也矣且夫秦地被山帶河四塞以為固卒然有急百
萬之衆可具也因秦之故資甚美膏腴之地此所謂天
府者也陛下入關而都之山東雖亂秦之故地可全而
有也夫與人鬪不搯其吭亢拊其背未能全其勝也今
陛下入關而都按秦之故地此亦搯天下之吭亢而拊

其背也高帝問羣臣羣臣皆山東人爭言周王數百年秦二世即則亡不如都周上疑未能決及留侯明言入關便即日車駕西都關中於是上曰本言都秦地者婁敬婁者乃劉也賜姓劉氏拜為郎中號為曰奉春君漢七年韓王信反高帝自往擊之至晉陽聞信與匈奴欲共擊漢上大怒使人使匈奴匈奴匿其壯士肥牛馬但徒見其老弱及羸畜使者十輩來皆言匈奴可易擊上使劉敬復往使匈奴還報曰兩國相擊此宜夸矜見所

長今臣往徒見羸瘠齒老弱此必欲見短伏竒兵以爭
利愚以為匈奴不可擊也是時漢兵已以踰句注二三
十餘萬衆兵已業行上怒罵劉敬曰齊虜以口舌得官
今乃令妄言沮吾軍械繫敬廣武遂往至平城匈奴果
出竒兵圍高帝白登七日然後得解高帝至廣武赦敬
曰吾不用公言以困平城吾皆以已斬前使十輩言
可擊者矣乃封敬二千戶為關內侯號為建信侯高帝
罷平城歸韓王信亡入胡當是時冒頓為單于兵彊控

弦三四十萬騎數苦北邊上患之問劉敬劉敬曰天下
初定士卒罷於兵革未可以武服也冒頓殺父代立妻
羣母以力為威未可以仁義說也獨可以計久遠子孫
為臣耳然恐陛下恐不能為上曰誠可何為不能顧為
奈何劉敬對曰陛下誠能以適長公主妻之單于厚奉
遺之彼知漢適女送厚蠻夷必慕以為閼氏生子必為
太子代單于何者貪漢重幣陛下以歲時漢所餘彼所
鮮數問遺因使辯士風諭以禮節冒頓在固為子壻死

則外孫為單于豈嘗聞外孫敢與大父抗亢禮者哉
兵可無母戰以漸臣也若陛下不能遣長公主而令宗
室及後宮詐稱公主彼亦知不肯貴近無益也高帝曰
善欲遣長公主呂后日夜泣曰妾惟以一太子一女奈
何棄之匈奴上竟不能遣長公主而取家人子名為長
公主妻單于使劉敬往結和親約劉敬從匈奴來因言
匈奴河南白羊樓煩王去長安近者七百里輕騎一日
一夜夕可以至秦中秦中新破少民地肥饒可益實夫

諸侯初起時非齊諸田楚昭屈景莫能興與今陛下雖都關中實少人北近胡寇東有六國之彊族宗彊一日有變陛下亦未得高安枕而卧也臣願陛下徙齊諸田楚昭屈景燕趙韓魏後及豪傑桀名家且實居關中無事可以備胡諸侯有變亦足率以東伐此彊本弱末之術也上曰善乃使劉敬徙所言關中十餘萬口

叔孫通者薛人也秦時以文學徵待詔博士數歲陳勝起山東使者以聞二世召博士諸儒生問曰楚戍卒攻

斬入陳於公如何何如博士諸生三十餘人前曰人臣
無將將即則反罪死無赦願陛下急發兵擊之二世怒
作色叔孫通前曰諸生言皆非也夫天下合為一家毀
郡縣城鑠其兵示視天下不弗復用且明主在其上法
令具於下使吏人人奉職四方輻輳安敢有反者此特
羣盜鼠竊狗盜耳何足置之齒牙間哉郡守尉令捕論
誅何足憂二世喜曰善盡問諸生諸生或言反或言盜
於是二世令御史案按諸生言反者下吏非所宜言諸

生言盜者皆罷之乃賜叔孫通帛二十匹衣一襲拜為
博士叔孫通已出宮反舍諸生曰先生何言之諛也通
曰公不知也我幾不脫於免虎口乃亡去之薛薛已降
楚矣及項梁之薛叔孫通從之敗於定陶從懷王懷王
為義帝徙長沙叔孫通留事項王漢二年漢王從五諸
侯入彭城叔孫通降漢王漢王敗而西因竟從漢叔孫
通儒服漢王憎之乃變其服服短衣楚製漢王喜叔孫
通之降漢從儒生弟子百餘人然通無所言進專刺言

諸故羣盜壯士進之弟子皆竊罵曰事先生數歲年幸得從降漢今不能進臣等專刺言大猾何也叔孫通聞之乃謂曰漢王方蒙矢石爭天下諸生寧能關乎故先言斬將奪旗之士諸生且待我我不忘矣漢王拜叔孫通為博士號稷嗣君漢王五年己并天下諸侯共尊漢王為皇帝於定陶叔孫通就其儀號高帝悉去秦苛儀法為簡易羣臣飲酒爭功醉或妄呼拔劍擊柱高帝上患之叔孫通知上益厭饜之也說上曰夫儒者難與進

取可以守成臣願徵魯諸生與臣弟子共起朝儀高帝
曰得無難乎叔孫通曰五帝異樂三王不同禮禮者因
時世人情為之節文者也故夏殷周之禮所因損益可
知者謂不相復也臣願頗采古禮與秦儀雜就之上曰
可試為之令易知度吾所能行為之於是叔孫通使徵
魯諸生三十餘人魯有兩生不肯行曰公所事者且十
主皆面諛以得親貴今天下初定死者未葬傷者未起
又欲起禮樂禮樂所由起積德百年積德而後可興也

吾不忍為公所為公所為不合古吾不行公往矣無汙
我叔孫通笑曰若真鄙儒也不知時變遂與所徵三十
人西及上左右為學者與其弟子百餘人為綿蕞野外
習之月餘叔孫通曰上可試觀上既觀使行禮曰吾能
為此乃令羣臣習肄會十月漢七年長樂宮成諸侯
羣臣皆朝十月儀先平明謁者治禮引以次入殿門廷
中陳車騎步戍卒衛宮官設兵張旗志傳言曰趨殿下
郎中俠陛陞數百人功臣列侯諸將軍軍吏以次陳西

方東鄉文官丞相以下陳東方西鄉大行設九賓臚句
傳於是皇帝輦出房百官執職戰傳警引諸侯王以下
至吏六百石以次奉賀自諸侯王以下莫不震恐肅敬
至禮畢盡伏復置法酒諸侍坐殿上皆伏抑首以尊卑
次起上壽觴九行謁者言罷酒御史執法舉不如儀者
輒引去竟朝置酒無敢讙譁失禮者於是高帝曰吾乃
今日知為皇帝之貴也乃拜叔孫通為太奉常賜金五
百斤叔孫通因進曰諸弟子儒生隨臣久矣與臣共為

儀願陛下官之高帝悉以為郎叔孫通出皆以五百斤金賜諸生諸生乃皆喜曰叔孫生誠聖人也知當世之要務漢九年高帝徙叔孫通為太子太傅漢十二年高祖帝欲以趙王如意易太子叔孫通諫上曰昔者晉獻公以驪姬之故廢太子立奚齊晉國亂者數十年為天下笑秦以不早定扶蘇令趙高得以詐立胡亥詐立自使滅祀此陛下所親見今太子仁孝天下皆聞之呂后與陛下攻苦食啖其可背哉陛下必欲廢適而立少臣

願先伏誅以頸血汙地高帝曰公罷矣吾直特戲耳叔
孫通曰太子天下本本一壹搖天下振震動奈何以天
下為戲高帝曰吾聽公言及上置酒見留侯所招客從
太子入見上乃遂無易太子志矣高帝崩孝惠即位乃
謂叔孫通生曰先帝園陵寢廟羣臣莫能習徙通為太
奉常定宗廟儀法及稍定漢諸儀法皆叔孫生通為太
常所論著也孝惠帝為東朝長樂宮及間往來數蹕煩
人民乃作複復道方築武庫南叔孫生通奏事因請間

曰陛下何自築複復道高帝寢衣冠月出游高廟高廟
漢太祖奈何令後世子孫奈何乘宗廟道上行哉孝惠
帝大懼曰急壞之叔孫生通曰人主無過舉今已作百
姓皆知之矣今壞此則示有過舉願陛下為原廟渭北
衣冠月出游之益廣多宗廟大孝之本也上乃詔有司
立原廟原廟起以複道故孝惠帝常嘗春出游離宮叔
孫生通曰古者有春嘗果方今櫻桃孰熟可獻願陛下
出因取櫻桃獻宗廟上乃許之諸果獻由此興

太史公贊曰高祖以征伐定天下而縉紳之徒騁其知
辯並成大業語曰千金之裘非一狐之腋也臺榭廊廟
之榱材非一木之枝也三代帝王之際功非一士之智
畧也信哉夫高祖起微細定海內謀計用兵可謂盡之
矣然而劉敬脫輓輅一說而建萬世金城之安智豈可
專邪叔孫通希世度務制禮進退與時變化卒為漢家
儒宗大直若誣道固委蛇蓋謂是乎舍枹鼓而立一王
之儀遇其時也酈生自匿監門待主然後出猶不免鼎

錢朱建始名廉直既距辟陽不終其節亦以喪身陸賈
位止大夫致仕諸呂不受憂責從容平勃之間附會將
相以彊社稷身名俱榮其最優乎

班馬異同卷十五

欽定四庫全書

班馬異同卷十六

宋 倪思 編

季布藥布列傳第四十 史記一百

季布藥布田叔傳第七 漢書三十七

季布者楚人也為氣任俠有名於楚項籍使將兵數窘漢王及項羽籍滅高祖購求布千金敢有舍匿罪及三族季布匿濮陽周氏周氏曰漢購求將軍急迹且至臣

家將軍能聽臣臣敢獻進計即不能否願先自到季布
許之乃髡鉗季布衣褐衣置廣柳車中并與其家僮數
十人之魯朱家所賣之朱家心知是其季布也乃買而
置之田舍誠其子曰田事聽此奴必與同食朱家乃乘
軺車之雒陽見汝陰侯滕公滕公留朱家飲數日因謂
滕公說曰季布何大罪而上求之急也滕公曰布數為
項羽窘上上怨之故必欲得之朱家曰君視季布何如
人也曰賢者也朱家曰臣各為其主用季布為項籍用

職耳項氏臣豈可盡誅邪今上始得天下獨而以己之私怨求一人何示天下之不廣也且以季布之賢而漢求之急如此此不北走胡即南走越耳夫忌壯士以資敵國此伍子胥所以鞭荆平王之墓也君何不從容為上言邪之汝陰侯滕公心知朱家大俠意季布匿其所乃許曰諾待待間果言如朱家指上乃赦季布當是時諸公皆多季布能推剛為柔朱家亦以此名聞當世季布召見謝上拜為郎中孝惠時為中郎將單于嘗為書

嫚呂太后不遜呂太后大怒召諸將議之上將軍樊噲曰臣願得十萬衆橫行匈奴中諸將皆阿呂太后意曰以噲言為然季布曰樊噲可斬也夫以高帝將兵四三十餘萬衆困於平城噲時亦在其中今噲奈何以十萬衆橫行匈奴中而欺謾且秦以事於胡陳勝等起于今創痍未瘳噲又面諛欲搖動天下是時殿上皆恐太后罷朝遂不復議擊匈奴事季布為河東守孝文時人有言其賢者孝文召欲以為御史大夫復有人又言其勇使

酒難近至留邸一月見罷季布因進曰臣無功竊寵待
罪河東陛下無故召臣此人必有以臣欺陛下者今臣
至無所受事罷去此人必有以毀臣者夫陛下以一人
之譽而召臣以一人之毀而去臣臣恐天下有識者聞
之有以闕窺陛下也上默然慙良久曰河東吾股肱郡
故時特召君耳布辭之官辯士楚人曹丘生辯士數招
擁顧金錢事貴人趙同談等與竇長君善季布聞之寄
書諫竇長君曰吾聞曹丘生非長者勿與通及曹丘生

歸欲得書請季布竇長君曰季將軍不說足下足下無
往固請書遂行使人先發書季布果大怒待曹丘曹丘
至即則揖季布曰楚人諺曰得黃金百斤不如得季布
一諾足下何以得此聲於梁楚之間哉且僕楚人與足
下亦俱楚人也使僕游揚足下之名於天下顧不重邪
美乎何足下距僕之深也季布乃大說引入留數月為
上客厚送之季布名所以益聞者曹丘揚之也季布第
季心氣蓋關中遇人恭謹為任俠方數千里士皆爭為

之死嘗殺人亡之吳從袁爰絲匿長事袁爰絲第畜灌
夫籍福之屬嘗為中司馬中尉郅都不敢不加禮少年
多時時竊籍借其名以行當是時季心以勇布以諾著
聞關中季布母弟丁公為楚項羽將丁公為項羽逐窘
高祖彭城西短兵接高祖漢王急顧謂丁公曰兩賢豈
相厄危哉於是丁公引兵而還漢王遂解去及項王滅
丁公謁見高祖高祖以丁公拘軍中曰丁公為項王臣
不忠使項王失天下者乃丁公也遂斬丁公之曰使後

世為人臣者無效丁公也

藥布者梁人也始梁王彭越為家人時嘗與布游窮困
賃賣傭於齊為酒人家保數歲彭越別去之巨野中為
盜而布為人所畧賣為奴於燕為其主家主報仇燕將
臧荼舉以為都尉臧荼後為燕王以布為將及臧荼反
漢擊燕虜布梁王彭越聞之迺言上請贖布以為梁
大夫使於齊未還反漢召彭越責以謀反夷三族已而
梟彭越頭首於雒陽下詔曰有敢收視者輒捕之布從

齊還奏事彭越頭下祠而哭之吏捕布以聞上召布罵
曰若與彭越反邪吾禁人勿收若獨祠而哭之與越反
明矣趣亨之方提趣趙湯布顧曰願一言而死上曰何
言布曰方上之困於彭城敗滎陽成臯間項王所以遂
不能遂西徒以彭王居梁地與漢合從苦楚也當是之
時彭王一壹顧與楚則漢破與漢而則楚破且垓下之
會微彭王項氏不亡天下已定彭王剖符受封亦欲傳
之萬世今陛下下漢壹徵兵於梁彭王病不行而陛下

疑以為反反形未見以苛小細案誅滅之臣恐功臣人自危也今彭王已死臣生不如死請就亨於是上迺釋布罪拜為都尉孝文時為燕相至將軍布迺稱曰窮困不能辱身下志非人也富貴不能快意非賢也於是嘗有德者厚報之有怨者必以法滅之吳軍楚反時以軍功封為俞郇侯復為燕相燕齊之間皆為藥布立社號曰藥公杜景帝中五年布薨子賁嗣侯孝武時坐為太常犧牲不如令國除

太史公贊曰以項羽之氣而季布以勇顯名於楚身屢
履典軍搴旗者數矣可謂壯士然至被刑及至困厄奴戮
為人奴苟活而不死變何其下也彼必自負其材故受
辱而不羞欲有所用其未足也故終為漢名將賢者誠
重其死夫婢妾賤人感慨擊而自殺者非能勇也其計畫
無復俚之至之耳藥布哭彭越田叔隨張敖趣湯赴死
如歸者彼誠知所處不自重其死雖往古烈士何以加
哉

班馬異同卷十六

欽定四庫全書

班馬異同卷十七

宋 倪思 編

袁盎鼂錯列傳第四十一 史記一百一

爰盎鼂錯傳第十九

漢書四十九

袁爰盎者楚人也字絲其父楚人也故為羣盜徒處安陵高后時盎嘗為呂祿舍人及孝文帝即位盎兄噲任盎為中郎中絳侯為丞相朝罷趨出意得甚上禮之恭

常自目送之袁盎進曰陛下以丞相何如人也上曰社稷臣盎曰絳侯所謂功臣非社稷臣社稷臣主在與在
主亡與亡方呂后時諸呂用事擅相王劉氏不絕如帶
是時絳侯為太尉主本兵柄弗能正呂后崩大臣相與
共畔誅諸呂太尉主兵適會其成功所謂功臣非社稷
臣丞相如有驕主色陛下謙讓臣主失禮竊為陛下不
弗取也後朝上益莊丞相益畏已而絳侯望袁盎曰吾
與而汝兄善今兄廷迺毀我盎遂不謝及絳侯免相之

就國國人上書告以為反徵繫清請室宗室諸公莫敢
為言唯袁盎明絳侯無罪絳侯得釋盎頗有力絳侯乃
大與盎結交淮南厲王朝殺辟陽侯居處驕甚袁盎諫
曰諸侯太驕必生患可適削地上弗用許淮南王益橫
及棘蒲侯柴武太子謀反事發覺治連淮南王上徵淮
南王徵上因遷之蜀轡車傳送袁盎時為中郎將乃諫
曰陛下素驕淮南王之弗稍禁以至此今又暴摧折之
淮南王為人剛有如有遇霧霜露行道死陛下竟為以

天下之大弗能容有殺弟之名奈何上弗不聽遂行之
淮南王至雍病死聞上輟食哭甚哀盡入頓首請罪
上曰以不用公言至此盡曰上自寬此往事豈可悔哉
且陛下有高世之行者三此不足以毀名上曰吾高世
行三者何事盡曰陛下居代時太后嘗病三年陛下不
交睫不解衣湯藥非陛下口所嘗弗進夫曾參以布衣
猶難之今陛下親以王者脩之過曾參考遠矣夫諸呂
用事大臣專顓制然陛下從代乘六乘傳馳不測之淵

雖責育之勇不及陛下陛下至代邸西向鄉讓天子位者再三南面鄉讓天子位者三再夫許由一讓而陛下五以天下讓過許由四矣且陛下遷淮南王欲以苦其志使改過有司宿衛不謹故病死於是上乃迺解曰將奈何盎曰淮南王有三子唯在陛下耳於是文帝立其三子皆為王盎由繇此名重朝廷袁盎常引大體忼慨宦者趙同談以數幸常害袁盎袁盎患之盎兄子種為常侍騎持節夾乘說諫盎曰君與鬪廷衆辱之使其毀

不用後雖惡君上不復信孝文帝出於是上朝東宮趙同談參驂乘袁盎伏車前曰臣聞天子所與共六尺輿者皆天下豪英今漢雖乏人陛下獨奈何與刀鋸之餘人共載於是上笑下趙同談趙同談泣下車文帝上從霸陵上欲西馳下峻阪袁盎騎並車擊攬轡上曰將軍怯邪盎言曰臣聞千金之子坐不垂堂百金之子不騎衡聖主不乘危而不徼幸今陛下騁六駢飛馳下峻不測山如有如馬驚車敗陛下縱自輕奈高廟太后何上

乃止上幸上林皇后慎夫人從其在禁中常同席坐及坐郎署長布席袁盎引却卻慎夫人坐慎夫人怒不肯坐上亦怒起入禁中盎因前說曰臣聞尊卑有序則上下和今陛下既已以立后慎夫人乃迺妾妾主豈可與以同坐哉且陛下幸之即則厚賜之陛下所以為慎夫人適所以禍之也陛下獨不見人彘豕乎於是上乃迺說召入語慎夫人慎夫人賜盎金五十斤然袁盎亦以數直諫不得久居中調為隴西都尉仁愛士卒士卒皆

爭為死遷為齊相徙為吳相辭行種謂盜曰吳王驕日久國多姦今苟絲欲剋刻治彼不上書告君即則利劍刺君矣南方卑濕君絲能日飲毋亡何時說王曰毋反而已如此幸得脫盜用種之計吳王厚遇盜盜告歸道逢丞相申屠嘉下車拜謁丞相從車上謝袁盎袁盎還愧其吏乃之丞相舍上謁求見丞相丞相良久而乃見之盎因跪曰願請問丞相曰使君所言公事之曹與長史掾議之吾且奏之即則私邪吾不受私語袁盎即跪

起說曰君為丞相自度孰與陳平絳侯丞相曰吾不如
袁盎曰善君即自謂不弗如夫陳平絳侯輔翼高帝定
天下為將相而誅諸呂存劉氏君乃迺為材官蹶張遷
為隊率帥積功至淮陽守非有奇計攻城野戰之功且
陛下從代來每朝郎官者上書疏未嘗不止輦受其言
言不可用置之言可受採之未嘗不稱善何也則欲以
致天下賢英士大夫上日聞所不聞明所不知日以益
聖智而君今自閉鉗箝天下之口而日益愚夫以聖主

責愚相君受禍不久矣丞相乃再拜曰嘉鄙野人乃迺
不知將軍幸教引入與入坐為上客盜素不好鼂錯鼂
錯所居坐盜去輒避盜所居坐錯亦去避兩人未嘗同
堂語及孝文帝崩孝景帝即位鼂錯為御史大夫使吏
案袁盎受吳王財物抵罪臯詔赦以為庶人吳楚反聞
鼂錯謂丞史曰夫袁盎盜多受吳王金錢專為蔽匿言
不反今果反欲請治盜宜知其計謀丞史曰事未發治
之有絕今兵西鄉治之何益且袁盎不宜有謀鼂錯猶

豫未決人有告袁盎者袁盎恐夜見竇嬰為言吳所以反者願至上前口對狀竇嬰入言上上乃迺召袁盎盎入見鼂錯在前及盎請辟人賜間錯去固恨甚袁盎具竟言吳所以反狀以錯故獨急斬錯以謝吳吳兵乃可罷其語具在吳事中使袁上拜盎為太泰常竇嬰為大將軍兩人素相與善逮吳反是時諸陵長者長安中賢大夫爭附兩人車騎隨者日數百乘及鼂錯已誅袁盎以太泰常使吳吳王欲使將不肯欲殺之使一都尉以

五百人圍守盜軍中初袁盎自其為吳相時嘗有從史
從史嘗盜愛私盜侍兒盎知之弗泄遇之如故人有告
從史言君知爾女與侍者通乃迺亡歸去袁盎驅自追
之遂以侍者賜之復為從史及袁盎使吳見守從史適
為在守盜校尉為司馬乃迺悉以其裝齎置買二石醇
醪會天寒士卒飢渴飲酒醉西南陬卒卒皆卧司馬夜
引袁盎起曰君可以去矣吳王期旦日斬君盎弗信曰
公何為者司馬曰臣故為君從史盜君侍兒者也盎乃

驚謝曰公幸有親吾不足以累公司馬曰君第去臣亦且亡避辟吾親君何患乃迺以刀決張帳道從醉卒直隧出司馬與分背袁盎解節毛旄懷之杖屐步行七八十里明見梁騎騎馳去遂歸報吳楚已破上更以元王子平陸侯禮為楚王袁以盎為楚相嘗上書有所言不用袁盎病免居家居與閭里浮沈港相隨行鬪雞走狗雒陽劇孟嘗過袁盎盎善待之安陵富人有謂盎曰吾聞劇孟博徒將軍何自通之盎曰劇孟雖博徒然母

死客送葬喪車千餘乘此亦有過人者且緩急人所有夫一旦有急叩門不以親為解不以存在亡為辭天下所望者獨季心劇孟耳今公常陽從數騎一旦有緩急寧足恃乎遂罵富人弗與通諸公問之皆多袁盎盎雖家居家景帝時時使人問籌策梁王欲求為嗣袁盎進說其後語塞梁王以此怨盎曾使人刺盎刺者至關中問袁盎諸君譽稱之皆不容口乃見袁盎曰臣受梁王金來刺君君長者不忍刺君然後刺君者十餘曹備之

袁盎心不樂家又多怪乃之掊掊生所問占還梁刺客後曹輩果遮刺殺盎安陵郭門外

鼂錯者潁川人也學申商刑名於軹張恢先生所與雒陽宋孟及劉禮帶同師以文學為太常掌故錯為人峭直刻深孝文帝時天下無亡治尚書者獨聞濟南齊有伏生故秦博士治尚書年九十餘老不可徵乃迺詔太常使人往受之太常遣錯受尚書伏生所還因上便宜事以書稱說詔以為太子舍人門大夫遷博士又上書

言人主所以尊顯功名揚於萬世之後者以知術數也
故人主知所以臨制臣下而治其衆則羣臣畏服矣知
所以聽言受事則不欺蔽矣知所以安利萬民則海內
必從矣知所以忠孝事上則臣子之行備矣此四者臣
竊為皇太子急之人臣之議或曰皇太子亡以知事為
也臣之愚誠以為不然竊觀上世之君不能奉其宗廟
而劫殺於其臣者皆不知術數者也皇太子所讀書多
矣而未深知術數者不問書說也夫多誦而不知其說

所謂勞苦而不為功臣竊觀皇太子材智高奇馭射伎
藝過人絕遠然於術數未有所守者以陛下為心也竊
願陛下幸擇聖人之術可用今世者以賜皇太子因時
使太子陳明於前唯陛下裁察上善之於是拜錯為太
子家令以其辯得幸太子太子家號曰智囊是時匈奴
彊數寇邊上發兵以禦之錯上言兵事曰臣聞漢興以
來胡虜數入邊地小入則小利大入則大利高后時再
入隴西攻城屠邑毆畧畜產其後復入隴西殺吏卒大

寇盜竊聞戰勝之威民氣百倍敗兵之卒沒世不復自
高后以來隴西三困於匈奴矣民氣破傷亡有勝意今
茲隴西之吏賴社稷之神靈奉陛下之明詔和輯士卒
底厲其節起破傷之民以當乘勝之匈奴用少擊衆殺
一王敗其衆而大有利非隴西之民有勇怯乃將吏之
制巧拙異也故兵法曰有必勝之將無必勝之民繇此
觀之安邊境立功名在於良將不可不擇也臣又聞用
兵臨戰合刃之急者三一日得地形二曰卒服習三曰

器用利兵法曰丈五之溝漸車之水山林積石經川丘
阜草木所在此步兵之地也車騎二不當一土山丘陵
曼衍相屬平原廣野此車騎之地步兵十不當一平陵
相遠川谷居間仰高臨下此弓弩之地也短兵百不當
一兩陳相近平地淺少可前可後此長戟之地也劒楯
三不當一萑葦竹蕭草木蒙龍支葉茂接此矛鋌之地
也長戟二不當一曲道相伏險阨相薄此劒楯之地也
弓弩三不當一士不選練卒不服習起居不精動靜不

集趨利弗及避難不卑前擊後解與金鼓之音相失此
不習勒卒之過也百不當十兵不完利與空手同甲不
堅密與袒裼同弩不可以及遠與短兵同射不能中與
亡矢同中不能入與亡鏃同此將不省兵之禍也五不
當一故兵法曰器械不利以其卒予敵也卒不可用以
其將予敵也將不知兵以其主予敵也君不擇將以其
國予敵也四者兵之至要也臣又聞小大異形彊弱異
勢險易異備夫卑身以事彊小國之形也合小以攻大

敵國之形也以蠻夷攻蠻夷中國之形也今匈奴地形
技藝與中國異上下山阪出入溪澗中國之馬弗與也
險道傾仄且馳且射中國之騎弗與也風雨罷勞飢渴
不困中國之人弗與也此匈奴之長技也若夫平原易
地輕車突騎則匈奴之衆易撓亂也勁弩長戟射疏及
遠則匈奴之弓弗能格也堅甲利刃長短相雜遊弩往
來什伍俱前則匈奴之兵弗能當也材官騶發矢道同
的則匈奴之革笥木薦弗能支也下馬地鬪劍戟相接

去就相薄則匈奴之足弗能給也此中國之長技也以此觀之匈奴之長技三中國之長技五陛下又興數十萬之衆以誅數萬之匈奴衆寡之計以一擊十之術也雖然兵凶器戰危事也以大為小以彊為弱在俛仰之間耳夫以人之死爭勝跌而不振則悔之亡及也帝王之道出於萬全今降胡義渠蠻夷之屬來歸誼者其衆數千飲食長技與匈奴同可賜之堅甲絮衣勁弓利矢益以邊郡之良騎令明將能知其習俗和輯其心者以

陛下之明約將之即有險阻以此當之平地通道則以輕車材官制之兩軍相為表裏各用其長技衡加之以衆此萬全之術也傳曰狂夫之言而明主擇焉臣錯愚陋昧死上狂言唯陛下財擇文帝嘉之乃賜錯璽書寵答焉曰皇帝問太子家令上書言兵體三章聞之書言狂夫之言而明主擇焉今則不然言者不狂而擇者不明國之大患故在於此使夫不明擇於不狂是以萬聽而萬不當也錯復言守邊備塞勸農力本當世急務二

事曰臣聞秦時北攻胡貉築塞河上南攻揚粵置戍卒
焉其起兵而攻胡粵者非以衛邊地而救民死也貪戾
而欲廣大也故功未立而天下亂且夫起兵而不知其
勢戰則為人禽屯則卒積死夫胡貉之地積陰之處也
木皮三寸氷厚六尺食肉而飲酪其人密理鳥獸毳毛
其性能寒揚粵之地少陰多陽其人疏理鳥獸希毛其
性能暑秦之戍卒不能其水土戍者死於邊輸者償於
道秦民見行如往棄市因以謫發之名曰謫戍先發吏

有謫及贅壻賈人後以嘗有市籍者又後以大父母父
母嘗有市籍者後入閭取其左發之不順行者深怨有
背畔之心凡民守戰至死而不降北者以計為之也故
戰勝守固則有拜爵之賞攻城屠邑則得其財鹵以富
家室故能使其衆蒙矢石赴湯火視死如生今秦之發
卒也有萬死之害而亡銖兩之報死事之後不得一算
之復天下明知禍烈及己也陳勝行戍至於大澤為天
下先倡天下從之如流水者秦以威劫而行之之敝也

胡人衣食之業不著於地其勢易以擾亂邊竟何以明之胡人食肉飲酪衣皮毛非有城郭田宅之歸居如飛鳥走獸於廣漠美草甘水則止草盡水竭則移以是觀之往來轉徙時至時去此胡人之生業而中國之所以離南晦也今使胡人數處轉牧行獵於塞下或當燕代或當上郡北地隴西以候備塞之卒卒少則入陛下不救則邊民絕望而有降敵之心救之少發則不足多發遠縣纔至則胡又已去聚而不罷為費甚大罷之則復

入如此連年則中國貧苦而民不安矣陛下幸憂邊境遣將吏發卒以治塞甚大惠也然今遠方之卒守塞一歲而更不知胡人之能不如選常居者家室田作且以備之以便為之高城深塹具藺石布渠荅復為一城其內城間百五十步要害之處通川之道調立城邑毋下千家為中周虎落先為室屋具田器迺募輦人及免徒復作令居之不足募以丁奴婢贖輦及輸奴婢欲以拜爵者不足迺募民之欲往者皆賜高爵復其家予冬夏

衣廩食能自給而止郡縣之民得買其爵以自增至卿
其亡夫若妻者縣官買予之人情非有匹敵不能久安
其處塞下之民祿利不厚不可使久居危難之地胡人
入驅而能止其所驅者以其半予之縣官為贖其民如
是則邑里相救助赴胡不避死非以德上也欲全親戚
而利其財也此與東方之戍卒不習地勢而心畏胡者
功相萬也以陛下之時徙民實邊使遠方亡屯戍之事
塞下之民父子相保亡係虜之患利施後世名稱聖明

其與秦之行怨民相去遠矣上從其言募民徙塞下錯復言陛下幸募民相徙以實塞下使屯戍之事益省輸將之費益寡甚大惠也下吏誠能稱厚惠奉明法存卹所徙之老弱善遇其壯士和輯其心而勿侵刻使先至者安樂而不思故鄉則貧民相募而勸往矣臣聞古之徙遠方以實廣虛也相其陰陽之和當其水泉之味審其土地之宜觀其草木之饒然後營邑立城製里割宅通田作之道正阡陌之界先為築室家有一堂二內門

戶之閑置器物焉民至有所居作有所用此民所以輕
去故鄉而勸之新邑也為置醫巫以救疾病以脩祭祀
男女有昏生死相卹墳墓相從種樹畜長室屋完安此
所以使民樂其處而有長居之心也臣又聞古之制邊
縣以備敵也使五家為伍伍有長十長一里里有假士
四里一連連有假五百十連一邑邑有假候皆擇其邑
之賢材有護習地形知民心者居則習民於射法出則
教民於應敵故卒伍成於內則軍正定於外服習以成

勿令遷徙幼則同遊長則共事夜戰聲相知則足以相
救晝戰目相見則足以相識驩愛之心足以相死如此
而勸以厚賞威以重罰則前死不還踵矣所徙之民非
壯有材力但費衣糧不可用也雖有材力不得良吏猶
亡功也陛下絕匈奴不與和親臣竊意其冬來南也壹
大治則終身創矣欲立威者始於折膠來而不能因使
得氣去後未易服也愚臣亡識唯陛下財察後詔有司
舉賢良文學士錯在選中上親策詔之曰惟十有五年

九月壬子皇帝曰昔者大禹勤求賢士施及方外四極之內舟車所至人跡所及靡不聞命以輔其不逮近者獻其明遠者通厥聰比善戮力以翼天子是以大禹能亡失德夏以長楸高皇帝親除大害去亂從並建豪英以為官師為諫爭輔天子之闕而翼戴漢宗也賴天之靈宗廟之福方內以安澤及四夷今朕獲執天下之正以承宗廟之祀朕既不德又不敏明弗能燭而智不能治此大夫之所著聞也故詔有司諸侯王三公九卿及

主郡吏各帥其志以選賢良明於國家之大體通於人
事之終始及能直言極諫者各有人數將以匡朕之不
逮二三大夫之行當此三道朕甚嘉之故登大夫于朝
親諭朕志大夫其上三道之要及永惟朕之不德吏之
不平政之不宣民之不寧四者之闕悉陳其志母有所
隱上以薦先帝之宗廟下以興愚民之休利著之於篇
朕親覽焉觀大夫所以佐朕至與不至書之周之密之
重之閉之興自朕躬大夫其正論毋枉執事烏虜戒之二

三大夫其帥志毋怠錯對曰平陽侯臣窋汝陰侯臣竈
潁陰侯臣何廷尉臣宜昌隴西太守臣昆邪所選賢良
太子家令臣錯昧死再拜言臣竊聞古之賢王莫不求
賢以為輔翼故黃帝得力牧而為五帝先大禹得咎繇
而為三王祖齊桓得甯子而為五伯長今陛下講于大
禹及高皇帝之建豪英也退託於不明以求賢良讓之
至也臣竊觀上世之傳若高皇帝之建功業陛下之德
厚而得賢佐皆有司之所覽刻於玉版藏於金匱歷之

春秋紀之後世為帝者祖宗與天地相終今臣竇等遇
以臣錯充賦甚不稱明詔求賢之意臣錯草茅亡識知
昧死上愚對曰詔策曰明於國家大體愚臣竊以古之
五帝明之臣聞五帝神聖其臣莫能及故自親事處于
法宮之中明堂之上動靜上配天下順地中得人故衆
生之類亡不覆也根著之徒亡不載也燭以光明亡偏
異也德上及飛鳥下至水蟲草木諸產皆被其澤然後
陰陽調四時節日光風雨時膏露降五穀熟祇孽滅

賊氣息民不疾疫河出圖洛出書神龍至鳳鳥翔德澤
滿天下靈光施四海此謂配天地治國大體之功也詔
策曰通於人事終始愚臣竊以古之三王明之臣聞三
王臣主俱賢故合謀相輔計安天下莫不本於人情人
情莫不欲壽三王生而不傷也人情莫不欲富三王厚
而不困也人情莫不欲安三王扶而不危也人情莫不
欲逸三王節其力而不盡也其為法令也合於人情而
後行之其勸衆使民也本於人事然後為之取人以己

內恕及人情之所惡不以彊人情之所欲不以禁民是以天下樂其政歸其德望之若父母從之若流水百姓和親國家安寧名位不失施及後世此明於人情終始之功也詔策曰直言極諫愚臣竊以五伯之臣明之臣聞五伯不及其臣故屬之以國任之以事五伯之佐之為人臣也察身而不敢誣奉法令不容私盡心力不敢矜遭患難不避死見賢不居其上受祿不過其量不以亡能居尊顯之位自行若此可謂方正之士矣其立法

也非以苦民傷衆而為之機陷也。以之興利除害尊主安民而救暴亂也。其行賞也非虛取民財妄予人也。以勸天下之忠孝而明其功也。故功多者賞厚功少者賞薄。如此斂民財以顧其功而民不恨者。知與而安已也。其行罰也非以忿怒妄誅而從暴心也。以禁天下不忠不孝而害國者也。故臯大者罰重臯小者罰輕。如此民雖伏罪至死而不怨者。知罪罰之至自取之也。立法若此。可謂平正之吏矣。法之逆者請而更之。不以傷民主。

行之暴者逆而復之不以傷國救主之失補主之過揚
主之美明主之功使主內亡邪辟之行外亡騫污之名
事君若此可謂直言極諫之士矣此五伯之所以德匡
天下威正諸侯功業甚美名聲章明舉天下之賢主五
伯與焉此身不及其臣而使得直言極諫補其不逮之
功也今陛下人民之衆威武之重德惠之厚令行禁止
之勢萬萬於五伯而賜愚臣策曰匡朕之不逮愚臣何
足以識陛下之高明而奉承之詔策曰吏之不平政之

不宣民之不寧愚臣竊以秦事明之臣聞秦始并天下之時其主不及三王而臣不及其佐然功力不遲者何也地形便山川利財用足民利戰其所與並者六國六國者臣主皆不肖謀不輯民不用故當此之時秦最富彊夫國富彊而隣國亂者帝王之資也故秦能兼六國立為天子當此之時三王之功不能進焉及其未塗之衰也任不肖而信讒賊宮室過度者慾亡極民力罷盡賦斂不節矜奮自賢羣臣恐諛驕溢縱恣不顧患禍妄

賞以隨喜意妄誅以快怒心法令煩懣刑罰暴酷輕絕人命身自射殺天下寒心莫安其處姦邪之吏乘其亂法以成其威獄官主斷生殺自恣上下瓦解各自為制秦始亂之時吏之所先侵者貧人賤民也至其中節所侵者富人吏家也及其末塗所侵者宗室大臣也是故親疏皆危內外感怨離散遁人有走心陳勝先倡天下大潰絕祀亡世為異姓福此吏不平政不宣民不寧之禍也今陛下配天象地覆露萬民絕秦之迹除其亂

法躬親本事廢去淫末除苛解燒寬大愛人肉刑不用
臯人亡帑非謗不治鑄錢者除通關去塞不孽諸侯賓
禮長老愛恤少孤臯人有期後宮出嫁尊賜孝悌農民
不租明詔軍師愛士大夫求進方正廢退姦邪除去陰
刑害民者誅憂勞百姓列侯就都親耕節用視民不奢
所為天下興利除害變法易故以安海內者大功數十
皆上世之所難及陛下行之道純德厚元元之民幸矣
詔策曰永惟朕之不德愚臣不足以當之詔策曰悉陳

其志母有所隱愚臣竊以五帝之賢臣明之臣聞五帝
其臣莫能及則自親之三王臣主俱賢則共憂之五伯
不及其臣則任使之此所以神明不遺而賢聖不廢也
故各當其世而立功德焉傳曰往者不可及來者猶可
待能明其世者謂之天子此之謂也竊聞戰不勝者易
其地民貧窮者變其業今以陛下神明德厚資財不下
五帝臨制天下至今十有六年民不益富盜賊不衰邊
竟未安其所以然意者陛下未之躬親而待羣臣也今

執事之臣皆天下之選已然莫能望陛下清光譬之猶
五帝之佐也陛下不自躬親而待不望清光之臣臣竊
恐神明之遺也日損一日歲亡一歲日月益暮盛德不
及究於天下以傳萬世愚臣不自度量竊為陛下惜之
昧死上狂惑草茅之愚臣言唯陛下財擇時賈誼已死
對策者百餘人唯錯為高第繇是遷中大夫數上書孝
文時錯又言宜削諸侯事及法令可更定者書數十上
凡三十篇孝文雖不盡聽然竒其材遷為中大夫當是

時太子善錯計策袁爰盜諸大功臣多不好錯景帝即位以錯為內史錯常數請間言事輒聽寵幸傾九卿法令多所更定變丞相申屠嘉心弗便力未有以傷內史府居太上廟堦堧中門東出不便錯乃迺穿兩門南出鑿廟堦堧丞相嘉聞大怒欲因此過為奏請誅錯錯聞之即夜請間具為上言之丞相奏事因言錯擅鑿廟堦為門請下廷尉誅上曰此非廟堦乃堦堧中堦不致於法丞相謝罷朝因怒謂長史曰吾當先斬以聞乃先請為兒所賣

固誤丞相遂發病死錯以此愈貴遷為御史大夫請諸侯之罪過削其地收其枝支郡奏上上令公卿列侯宗室集雜議莫敢難獨竇嬰爭之由繇此與錯有郤隙錯所更令三十章諸侯皆誼譴譁疾鼂錯父聞之從潁川來謂錯曰上初即位公為政用事侵削諸侯別疏人骨肉人口議讓多怨公者何為也鼂錯曰固也不如此天子不尊宗廟不安錯父曰劉氏安矣而鼂氏危矣吾去公歸矣遂飲藥死曰吾不忍見禍及吾違身死後十餘日吳楚七國果俱反

以誅錯為名上與錯議出軍事錯欲令上自將兵而身居
守及會竇嬰言袁爰盜進說詔召入見上方與錯調兵食
上問盜曰君嘗為吳相知吳臣田祿伯為人厚今吳楚反
於公意何如對曰不足憂也今破矣上曰吳王即山鑄錢
煮海為鹽誘天下豪傑白頭舉事此其計不百全豈發庫
何以言其無能為也盜對曰吳銅鹽之利則有之安得豪
傑而誘之誠令吳得豪傑亦且輔而為誼不反矣吳所誘
皆亡賴子弟亡命鑄錢姦人故相誘以亂錯曰盜策之

善上問曰計安出盜對曰願屏左右上屏人獨錯在盜
曰臣所言人臣不得知迺屏錯錯趨避東箱甚恨上卒
問盜對曰吳楚相遺書言高皇帝王子弟各有分地今
賊臣鼂錯擅適諸侯削奪之地以故反名為西共誅錯
復故地而罷方今計獨有斬錯發使赦吳楚七國復有
故地則兵可無血刃而俱罷於是上默然良久曰顧誠
何如吾不愛一人謝天下盜曰愚計出此唯上孰計之
乃拜盜為泰常密裝治行後十餘日丞相青翟中尉嘉

廷尉歐劾奏錯曰吳王反逆亡道欲危宗廟天下所當
共誅今御史大夫錯議曰兵數百萬獨屬羣臣不可信
陛下不如自出臨兵使錯居守徐僮之旁吳所未下者
可以予吳錯不稱陛下德信欲疏羣臣百姓又欲以城
邑予吳亡臣子禮大逆亡道錯當要斬父母妻子同產
無少長皆棄市臣請論如法制曰可錯殊不知迺使中
尉召錯紹載行市上令鼂錯衣朝衣斬東市鼂錯已死
謁者僕射鄧公為校尉擊吳楚軍為將還上書言軍事謁

見上上問曰道軍所來聞鼂錯死吳楚罷不鄧公曰吳王為反數十年歲矣發怒削地以誅錯為名其意非不在錯也且臣恐天下之士噤口不敢復言也矣上曰何哉鄧公曰夫鼂錯患諸侯彊大不可制故請削地之以尊京師萬世之利也計畫始行卒受大戮內杜忠臣之口外為諸侯報仇臣竊為陛下不取也於是景帝默喟然良久長息曰公言善吾亦恨之乃拜鄧公為城陽中尉鄧公成固人也多奇計建元年中上招賢良公卿

言鄧公時鄧公先鄧先時免起家為九卿一年復謝病免歸其子章以脩黃老言顯於諸公間

太史公贊曰袁爰盎雖不好學亦善傳會仁心為質引義忼慨遭孝文初立資適逢世時以已變易及吳楚一壹說說雖行哉果於用辯然復身亦不遂好聲矜賢竟以名敗鼂錯為家令時數言事不用後擅權多所變更諸侯發難不急匡救欲報私讎反以亡軀語曰變古亂常不死則亡豈錯等謂邪銳於為國遠慮而不見身害

其父睹之經於溝瀆亡益救敗不如趙母指括以全其
宗悲夫錯雖不終世哀其忠故論其施行之語著于篇

班馬異同卷十七

欽定四庫全書

班馬異同卷十八

宋 倪思 編

張釋之馮唐列傳第四十二 史記一百二

張馮汲鄭傳第二十

漢書五十

張廷尉釋之者字季南陽堵陽人也字季有與兄仲同居以訾貲為騎郎事孝文帝十歲年不得調無亡所知名釋之曰久宦減仲之產不遂欲自免歸中郎將袁爰

盜知其賢惜其去乃請徙釋之補謁者釋之既朝畢因
前言便宜事文帝曰卑之母甚高論令今可施行也於
是釋之言秦漢之間事秦所以失而漢所以興者久之
文帝稱善乃拜釋之為謁者僕射釋之從行上登虎圈
上問上林尉諸禽獸簿十餘問尉左右視盡不能對虎
圈嗇夫從傍代尉對上所問禽獸簿甚悉欲以觀其能
口對響嚮應無窮者文帝曰吏不當若是如此邪尉無
亡賴乃詔釋之拜嗇夫為上林令釋之久之前曰陛下

以絳侯周勃何如人也上曰長者也又復問東陽侯張
相如何如人也上復曰長者釋之曰夫絳侯東陽侯稱
為長者此兩人言事曾不能出口豈數此嗇夫謀謀利
口捷給哉且秦以任刀筆之吏吏爭以亟疾苛察相高
然其弊徒文具耳無亡惻隱之實以故不聞其過陵遲
夷而至於二世天下土崩今陛下以嗇夫口辯而超遷
之臣恐天下隨風靡靡爭為口辯而無其實且下之化
上疾於景響嚮舉錯不可不審察也文帝曰善乃迺止

不拜。嗇夫上就車召釋之。參驂乘徐行。行問釋之。秦之敝具以質言。至宮上拜。釋之為公車令。頃之太子與梁王共車入朝。不下司馬門。於是釋之追止太子。梁王無母。得入殿門。遂劾不下公門。不敬。奏之。薄太后聞之。文帝免冠謝曰。教兒子不謹。薄太后乃使使承詔赦太子。梁王然後得入。文帝由繇是奇釋之。拜為中大夫。頃之至中郎將。從行至霸陵。上居北外臨廁。是時慎夫人從上指示視慎夫人。新豐道曰。此走邯鄲道也。使慎夫人

鼓瑟上自倚瑟而歌意慘悽愴悲懷顧謂羣臣曰嗟乎
以北山石為擲用紆絮斲陳絮漆其間豈可動哉左右
皆曰善釋之前進曰使其中有可欲者雖錮南山猶有
鄰隙使其中無亡可欲者雖無亡石擲又何戚焉文帝
稱善其後拜釋之為廷尉頃之上行出中渭橋有一人
從橋下走出乘輿馬驚於是使騎捕之屬廷尉釋之治
問曰縣人來聞蹕匿橋下久之以為行已過即既出見
乘輿車騎即走耳廷尉釋之奏當一此人犯蹕當罰金

文帝上怒曰此人親驚吾馬吾馬賴柔和柔令他馬固
不敗傷我乎而廷尉乃適當之罰金釋之曰法者天子
所與天下公共也今法如此是而更重之是法不信於
民也且方其時上使使立誅之則已今既已下廷尉廷
尉天下之平也一壹傾而天下用法皆為之輕重民安
所措其手足唯陛下察之上良久上曰廷尉當是也其
後有人有盜高廟坐座前玉環捕得文帝怒下廷尉治
釋之案律盜宗廟服御物者為奏奏當棄市上大怒曰

人之無亡道乃過盜先帝廟器吾屬廷尉者欲致族之族而君以法奏之非吾所以共承宗廟意也釋之免冠頓首謝曰法如是足也且罪等然以逆順為差基今盜宗廟器而族之有如萬分之一假令愚民取長陵一抔土陛下且何以加其法乎庠久之文帝與太后言之乃許廷尉當是時中尉條侯周亞夫與梁相山都侯王恬開啟見釋之持議平乃過結為親友張廷尉由繇此天下稱之後文帝崩景帝立釋之恐稱病疾欲免去懼大

誅至欲見謝則未知何如用王生計卒見謝景帝不過也王生者善為黃老言處士也嘗召居廷中三公九卿盡會立王生老人曰吾韞解顧謂張廷尉釋之為我結韞釋之跪而結之既已人或謂讓王生曰獨奈何廷辱張廷尉如此使跪結韞王生曰吾老且賤自度終無亡益於張廷尉張廷尉方今天下名臣吾故聊辱廷尉使跪結韞欲以重之諸公聞之賢王生而重張廷尉釋之張廷尉釋之事景帝歲餘為淮南王相猶尚以前過也

久之釋之年老病卒其子曰張摯字長公官至大夫免以不能取容當世故終身不仕

馮唐者其祖大父趙人也父徙代漢興徙安陵唐以孝著為中郎中署長事文帝文帝輦過問唐曰父老何自為郎家安在唐具以實對言文帝曰吾居代時吾尚食監高祛數為我言趙將李齊之賢戰於鉅鹿下今吾每飯飲食意未嘗不在鉅鹿也父老知之乎唐對曰齊尚不如廉頗李牧之為將也上曰何以已唐曰臣大父在

趙時為官卒帥將善李牧臣父故為代相善趙將李齊知其為人也上既聞廉頗李牧為人良說而過搏拊辭曰嗟乎吾獨不得廉頗李牧時為吾將吾豈憂匈奴哉唐曰主臣陛下雖得有廉頗李牧弗能用也上怒起入禁中良久召唐讓曰公奈何衆辱我獨無亡間處乎唐謝曰鄙人不知忌諱當是之時匈奴新大入朝那殺北地都尉昂上以胡寇為意乃過卒復問唐曰公何以知言吾不能用廉頗李牧也唐對曰臣聞上古王

者之遣將也。跪而推轂曰：「閭闔以內者，寡人制之；閭闔以外者，將軍制之。軍功爵賞皆決於外，歸而奏之。此非虛空言也。」臣大父言：李牧之為趙將，居邊軍市之租皆自用饗士，賞賜決於外，不從中擾覆也。委任而責成功，故李牧乃得盡其智。知能遣選車千三百乘，彀騎萬三千匹，百金之士十萬，是以北逐單于，破東胡，滅澹林，西抑彊秦，南支韓魏，當是之時，趙幾霸。伯其後，會趙王遷立，其母倡也。王遷立，乃用郭開讒而卒誅李牧，令顏聚

代之是以兵破士北為秦所禽滅今臣竊聞魏尚為雲
中守其軍市租盡以饗給士卒出私養錢五日一壹推
殺牛以饗賓客軍吏舍人是以匈奴遠避不近雲中之
塞虜曾嘗一入尚率帥車騎擊之所殺甚衆夫士卒盡
家人子起田中從軍安知尺籍伍符終日力戰斬首捕
虜上功莫府一言不相應文吏以法繩之其賞不行而
吏奉法必用臣愚以為陛下法太明賞太輕罰太重且
雲中守魏尚坐上功首虜差六級陛下之吏削其爵

罰作之由繇此言之陛下雖得廉頗李牧弗不能用也
臣誠愚觸忌諱死罪死罪文帝說是日令馮唐持節赦
魏尚復以為雲中守而拜唐為車騎都尉主中尉及郡
國車士七十年景帝立以唐為楚相免武帝立即位求
賢良舉馮唐唐時年九十餘不能復為官乃迺以唐子
馮遂為郎遂字王孫亦奇士與余善魏尚槐里人也

太史公贊曰張季釋之之言長者守法不阿意馮公唐
之論將率有味哉有味哉語曰不知其人視其友二君

之所稱誦可著廊廟書曰不偏不黨王道蕩蕩不黨不偏王道便便張季馮公近之矣汲黯之正直鄭當時之推士不如是亦何以成名哉揚子以為孝文親詘帝尊以信亞夫之軍曷為不能用頗牧彼將有激云爾

班馬異同卷十八

欽定四庫全書

班馬異同卷十九

宋 倪思 編

吳王濞列傳第四十六 史記一百六

荆燕吳傳第五

漢書三十五

吳王濞者高帝兄劉仲之子也高帝已定天下七年立
劉仲為代王而匈奴攻代劉仲不能堅守棄國亡間行
走雒陽自歸天子天子為骨肉故不忍致法廢以為郤

合陽侯子濞封為沛侯高帝十一年秋淮南王英黥布反東并荆地劫其國兵西渡淮擊楚高帝自將往誅之劉仲子沛侯濞年二十有氣力以騎將從破布軍斬西會甄布走荆王劉賈為布所殺無後上患吳會稽輕悍無壯王以填之諸子少乃立濞於沛為吳王王三郡五十城已拜受印高帝祖召濞相之謂曰若狀有反相心獨悔業已拜因拊其背告曰漢後五十年東南有亂者豈若邪然天下同姓為一家也慎無反濞頓首曰不敢

會孝惠高后時天下初定郡國諸侯各務自拊循其民
吳有豫章郡銅山灑則即招致天下亡命者益鑄錢
東煮海水為鹽以故無賦國用富饒足孝文帝時吳太
子入見得侍皇太子飲博吳太子師傅皆楚人輕悍又
素驕博爭道不恭皇太子引博局提吳太子殺之於是
遣其喪歸葬至吳吳王愠曰天下同一宗死長安即葬
長安何必來葬為復遣喪之長安葬吳王由此是怨望
稍失藩臣之禮稱病疾不朝京師知其以子故稱病不

朝驗問實不病諸吳使來輒繫責治之吳王恐為所謀
滋甚及後使人為秋請上復責問吳使者使者對曰王
實不病漢繫治使者數輩以故遂稱病且夫察見淵中
魚不祥今吳王始詐病疾及覺見責急愈益閉恐上誅
之計乃無聊唯上棄之而與更始於是天子乃皆赦吳
使者歸之而賜吳王几杖老不朝吳得釋其罪謀亦益
解然其居國以銅鹽故百姓無賦卒踐更輒與予平賈
歲時存問茂材賞賜閭里佗它郡國吏欲來捕亡人者

訟頌共禁弗不予與如此者四十餘年以故能使其
衆鼂錯為太子家令得幸皇太子數從容言吳過可削
數上書說孝文帝之文帝寬不忍罰以此吳王日益橫
及孝景帝即位錯為御史大夫說上曰昔高帝初定天
下昆弟少諸子弱大封同姓故王孽子悼惠王王齊七
十餘二城庶弟元王王楚四十餘城凡子濞王吳五十
餘城封三庶孽分天下半今吳王前有太子之郅隙詐
稱病不朝於古法當誅文帝弗不忍因賜几杖德至厚

也不當改過自新乃迺益驕溢恣公即山鑄錢煮海水為鹽誘天下亡人謀作亂逆今削之亦反不削之亦反削之其反亟禍小不削之其反遲禍大三年冬楚王來朝鼂錯因言楚王戊往年為薄太后服私姦服舍請誅之詔赦罰削東海郡因削吳之豫章郡會稽郡及前二年趙王有罪削其河間常山郡膠西王卬以賣爵事有姦削其六縣漢廷臣方議削吳吳王濞恐削地無已因欲以此發謀欲舉事念諸侯無足與計謀者聞膠西王

勇好氣喜兵諸齊侯皆憚畏憚之於是乃使中大夫應
高詭口說膠西王無文書口報曰吳王不肖有宿夕夙
夜之憂不敢自外使使臣喻其驩愚心王曰何以教之
高曰今者主上興於姦飭於任用邪臣好小善聽信讒
賊擅變更律令侵奪削諸侯之地徵求滋多誅罰良善
重日以益甚里語有之曰舐犢糠及米吳與膠西知名
諸侯也一時見察恐不得安肆矣吳王身有內病疾不
能朝請二十餘年常患見疑無以自白今脅肩累紮足

猶懼不見釋竊聞大王以爵事有適過所聞諸侯削地
罪不至此此恐不得止削地而已王曰然有之子將奈
何高曰同惡相助同好相留同情相成求同欲相趨同
利相死今吳王自以為與大王同憂願因時循理棄軀
以除患害於天下億意亦可乎膠西王瞿然駭曰寡人
何敢如是今主上雖急固有死耳安得不戴事高曰御
史大夫鼂朝錯熒營惑天子侵奪諸侯蔽忠塞賢朝廷
疾怨諸侯皆有倍畔背叛之意人事極矣彗星出蝗蟲

數起此萬世一時而愁勞聖人之所以起也故吳王欲
內以鼂朝錯為討誅外隨從大王後車彷徨方洋天下
所鄉者降所指者下天下莫敢不服大王誠幸而許之
一言則吳王率楚王畧函谷關守滎陽敖倉之粟距漢
兵治次舍須大王大王有幸而臨之則天下可并兩主
分割不亦可乎王曰善高歸報吳王吳王猶恐其不與
果乃身自為使者至使於膠西面結約之膠西羣臣或
聞王謀諫曰

接下諸侯地
不能為漢

承一帝至樂也尚云不易今

大王與吳西鄉第假令事成兩主分爭患乃始結益生

連下王不聽

諸侯之地不足能為漢郡什二而為畔叛逆以

憂太后非長策計也令

連上承一帝

王弗不聽遂發使約齊

菑川膠東濟南濟北皆許諾而曰城陽景王有義攻諸

呂勿與事定分之耳諸侯既新削罰振震恐多怨鼂錯

及削吳會稽豫章郡書至則吳王先起兵膠西正月丙

午誅漢吏二千石以下膠西膠東菑川濟南楚趙亦然

皆反遂發兵西齊王後悔飲藥自殺畔背約城守濟北

王城壞未完其郎中令劫守其王不得發兵膠西王膠東王為渠率膠東與菑川濟南共攻圍臨菑趙王遂亦反陰使匈奴與連兵七國之發也吳王悉其士卒下令國中曰寡人年六十二身自將少子年十四亦為士卒先諸年上與寡人比同下與少子等者皆發發二十餘萬人南使閩越東越閩東越亦發兵從孝景帝前三年正月甲子初起兵於廣陵西涉淮因并楚兵發使遺諸侯書曰吳王劉濞敬問膠西王膠東王菑川王濟南王

趙王楚王淮南王衡山王廬江王故長沙王子幸教寡人以漢為賊臣錯無功天下侵奪諸侯之地使吏劾繫訊治以僇侵辱之為故不以諸侯人君禮遇劉氏骨肉絕先帝功臣進任姦人宄誑亂天下欲危社稷陛下多病志失逸不能省察欲舉兵誅之謹聞教敕國雖狹地方三千里人民雖少精兵可具五十萬寡人素事南越三十餘年其王諸君皆不辭分其卒兵以隨寡人又可得三十餘萬寡人雖不肖願以身從諸王南越直長

沙者因王子定長沙以北西走蜀漢中告越楚王淮南
三王與寡人西面齊諸王與趙王定河間河內或入臨
晉關或與寡人會雒陽燕王趙王固故與胡王有約燕
王北定代雲中搏轉胡衆入蕭關走長安匡正天子下
以安高廟願王勉之楚元王子淮南三王或不沐洗十
餘年怨入骨髓欲一壹有所出之久矣寡人未得諸王
之意未敢聽今諸王苟能存亡繼絕振弱伐暴以安劉
氏社稷之所願也敝吳國雖貧寡人節衣食之用積金

錢脩兵革聚穀糧食夜以繼日三十餘年矣凡皆為此
願諸王勉用之能斬捕大將者賜金五千斤封萬戶列
將三千斤封五百戶裨將二千斤封二千戶二千石千
斤封千戶千石五百斤封五百戶皆為列侯其以軍若
城邑降者卒萬人邑萬戶如得大將人戶五千如得列
將人戶三千如得裨將人戶千如得二千石其小吏皆
以差次受爵金佗封賜皆倍常軍法其有故爵邑者更
益勿因願諸王明以令士大夫弗不敢欺也寡人金錢

在天下者往往而有非必取於吳諸王日夜用之弗不能盡有當賜者告寡人寡人且往遺之敬以聞七國反書聞天子天子乃遣太尉條侯周亞夫將三十六將軍往擊吳楚遣曲周侯酈寄擊趙將軍藥布擊齊大將軍竇嬰屯滎陽監齊趙兵初吳楚反書聞兵未發竇嬰未行言故吳相袁爰盎盎時家居詔召入見

連下上問以吳楚之計

上方與鼂錯調兵竿軍食上問袁盎曰君嘗為吳相知吳臣田祿伯為人乎今吳楚反於公意何如對曰不足

憂也今破矣上曰吳王卽山鑄錢煮海水為鹽誘天下
豪桀白頭舉事若此其計不百全豈發乎何以言其無
能為也袁盎對曰吳有銅鹽之利則有之安得豪桀而
誘之誠令吳得豪桀亦且輔王而為義不反矣吳所誘
皆無賴子弟亡命鑄錢姦人故相率誘以反亂黽錯曰
袁盎策之善上問曰計安出盎對曰願屏左右上屏人
獨錯在盎曰臣所言人臣不得知也乃屏錯錯趨避東
廂恨甚恨上卒問盎

自上方與錯至此以下至無血刃
俱罪一段漢書入錯傳後文大同

小異上問以吳楚之計。盎對曰：「吳楚相遺書曰：『高皇帝王

子弟各有分地。今賊臣鼂錯擅適過諸侯，削奪之地，故以故反，名為西共誅鼂錯，復故地而罷。方今計獨有

斬鼂錯，發使赦吳楚七國，復其故削地，則兵可無，毋血

刃而俱罷。於是上嘿然良久，曰：「顧誠何如？吾不愛一人

以謝天下。」盎曰：「臣愚計無出此。願上孰計之。」上從其議。

遂斬錯，語具在盎傳。乃拜以盎為太常奉宗廟，使吳王

吳王弟子德侯為宗正。下接下輔親戚盎密裝治行，後十餘日

上使中尉召錯給載行東市錯衣朝衣斬東市

漢書自
案裝至

此雜見
錯傳

則遣袁盎奉宗廟宗正輔親戚使告至吳如盎

策至吳吳楚兵已攻梁壁矣宗正以親故先入見諭吳
王使拜受詔吳王聞袁盎來亦知其欲說已笑而應曰
我已為東帝尚何誰拜不肯見盎而留之軍中欲劫使
將盎不肯使人圍守且殺之盎得夜出步亡去走梁軍
遂歸報條侯將乘六乘傳會兵滎陽至雒陽見劇孟喜
曰七國反吾乘傳至此不自意全又以為諸侯已得劇

孟劇孟今無動吾據滎陽滎陽以東無足憂者至淮陽
問故父絳侯故客鄧都尉曰策安出客曰吳兵銳甚難
與爭鋒楚兵輕不能久方今為將軍計莫若引兵東北
壁昌邑以梁委吳吳必盡銳攻之將軍深溝高壘使輕
兵絕淮泗口塞吳饒道彼使吳梁相敝而糧食竭乃以
全彊制其罷極破吳必矣條侯曰善從其策遂堅壁昌
邑南輕兵絕吳饒道吳王之初發也吳臣田祿伯為大
將軍田祿伯曰兵屯聚而西無佗寄道難以就立功臣

願得五萬人別循江淮而上收淮南長沙入武關與大王會此亦一奇也吳王太子諫曰王以反為名此兵難以藉人藉人亦且反王奈何且擅兵而別多佗利害未可知也徒自損耳吳王即不許田祿伯吳少將拒將軍說王曰吳多步兵步兵利險漢多車騎車騎利平地願大王所過城邑不下直棄去疾西據雒陽武庫食敖倉粟阻山河之險以令諸侯雖毋無入關天下固已定矣即大王徐行留下城邑漢軍車騎至馳入梁楚之郊事

敗矣吳王問諸吳老將老將曰此少年椎鋒之計可耳
安知大慮乎於是王不用桓將軍計吳王專并將其兵
未渡淮諸賓客皆得為將校尉行間候司馬獨周丘不
得用周丘者下邳人亡命吳酤酒無行吳王薄之弗
不任周丘乃上謁說王曰臣以無能不得待罪行間臣
非敢求有所將也願得請王一漢節必有以報王王乃
予之周丘得節夜馳入下邳下邳時聞吳反皆城守至
傳舍召令令入戶使從者以罪斬令遂召昆弟所善豪

吏告曰吳反兵且至至屠下邳不過食頃今先下家室
必完能者封侯至矣出乃相告曰下邳皆下周丘一夜
得三萬人使人報吳王遂將其兵北略城邑比至城陽
兵十餘萬破城陽中尉軍聞吳王敗走自度無與共成
功即引兵歸下邳未至疽癰發背死二月中吳王兵既
破敗走於是天子制詔將軍曰蓋聞為善者天報之以
福為非者天報之以殃高皇帝親表垂功德建立諸侯
幽王悼惠王絕無後孝文皇帝哀憐加惠王幽王子遂

悼惠王子卬等令奉其先王宗廟為漢藩國德配天地
明並日月而吳王濞倍背德反義誘受天下亡命辜人
亂天下幣稱病疾不朝二十餘年有司數請濞罪孝文
皇帝寬之欲其改行為善今乃與楚王戊趙王遂膠西
王卬濟南王辟光菑川王賢膠東王雄渠約從謀反為
逆無道起兵以危宗廟賊殺大臣及漢使者迫劫萬民
天伐殺無罪燒殘民家掘其丘冢壘甚為虐暴虐今卬
等又重逆無道燒宗廟鹵御物朕甚痛之朕素服避正

殿將軍其勸士大夫擊反虜擊反虜者深入多殺為功
斬首捕虜比三百石以上者皆殺之無有所置敢有議
詔及不如詔者皆要斬初吳王之渡淮與楚王遂西敗
棘壁乘勝而前銳甚梁孝王恐遣六將軍擊吳之又敗
梁兩將軍士卒皆還走梁梁數使使報條侯求救條侯
不許又使使惡慙條侯於上上使人告條侯救梁復又
守便宜不行梁使韓安國及楚死事相弟張羽為將軍
乃得頗敗吳兵吳兵欲西梁城守堅不敢西即走條侯

軍會下邑欲戰條侯壁不肯戰吳糧絕卒飢數挑戰遂
夜犇條侯壁驚東南條侯使備西北果從西北不得入
吳大敗士卒多饑死乃畔散於是吳王乃與其麾下
壯士數千人夜亡去渡江淮走丹徒保東越東越兵可
萬餘人乃使人收聚亡卒漢使人以利啗東越東越即
紿吳王吳王出勞軍即使人鏹殺吳王盛其頭馳傳以
聞吳王子子華太子駒亡走閩越吳王之棄其軍亡也
軍遂潰往往稍降太尉條侯及梁軍楚王戊軍敗自殺


三王之圍齊臨菑也三月不能下漢兵至膠西膠東菑川王各引兵歸國膠西王乃袒徒跣席橐飲水謝太后王太子德曰漢兵遠還臣觀之已罷可襲願收大王餘兵擊之不勝乃而逃入海未晚也王曰吾士卒皆已壞不可發用弗不聽漢將弓高侯積當遺王書曰奉詔誅不義降者赦除其罪復故不降者滅之王何處須以從事王肉袒叩頭漢軍壁謁曰臣叩奉法不謹驚駭百姓乃苦將軍遠道至于窮國敢請菹醢之罪弓高侯執金

鼓見之曰王苦軍事願聞王發兵狀王頓首膝膝行對
曰今者鼂朝錯天子用事臣變更高皇帝法令侵奪諸侯
地印等以為不義恐其敗亂天下七國發兵且以誅錯
今聞錯已誅印等謹以罷兵歸將軍曰王苟以錯為不
善何不以聞及未有詔虎符擅發兵擊義國以此觀之
意非徒欲誅錯也乃出詔書為王讀之讀之訖曰王其
自圖之王曰如印等死有餘罪遂自殺太后太子皆死
膠東菑川濟南王皆死伏誅國除納于漢酈將軍圍攻

趙十月而下之趙王自殺濟北王以劫故得不誅徙王
菑川初吳王首反并將楚兵連齊趙正月起兵三月皆
破滅獨趙後下復置元王少子平陸侯禮為楚王續元
王後徙汝南王非王吳故地為江都王

太史公贊曰吳王之王由父省也擅山海之利能薄賦
斂以使其衆以擅山海利逆亂之萌自其子興爭技發
難卒亡其本親越謀宗竟以夷隕鼃錯為國遠慮禍反
近身袁盎權說初寵後辱故古者諸侯地不過百里山

海不以封母親夷狄以疏其屬蓋謂吳邪防此矣鼂錯
為國遠慮禍反及身毋為權首反將受其咎宜謂盜錯
哉邪



班馬異同卷十九